

愚齋存彙卷第四十四目錄

電報二十一

寄 行在王中堂

劉峴帥來電

寄各省督撫將軍司道

袁中丞來電

張香帥來電

又

寄李中堂

又

劉峴帥來電

又

又

附京慶親王李中堂寄軍機處電

倫敦羅星使來電

寄北京李中堂西安王中堂

西安岑雲帥來電

李中堂來電

寄北京李中堂西安王中堂

張香帥來電

劉峴帥來電

又

張香帥來電

寄李中堂

袁慰帥來電

又

劉峴帥致李中堂電

寄西安王中堂

寄李中堂

西安軍機處來電

寄北京慶邸李相

西安岑中丞來電

寄西安軍機處

又

張香帥來電

寄西安王中堂

又

張香帥來電

又

劉峴帥來電

袁中丞來電

寄李中堂

袁中丞來電

寄江鄂東三帥

福州善星源將軍來電

劉峴帥來電

袁中丞來電

又

寄江鄂兩督帥

寄北京慶邸李相甯峴帥鄂香帥濟慰帥

愚齋存彙

卷四十四目錄

三

思補樓藏版

寄李中堂

袁中丞來電

張香帥來電

寄北京慶親王李中堂江督劉峴帥鄂督張香帥

寄北京李中堂

張香帥來電

北京李中堂寄陝軍機處電

劉峴帥來電

寄北京慶親王李中堂

成都周玉山方伯來電

劉峴帥來電

張香帥來電

劉峴帥來電

袁中丞來電

寄北京慶親王李中堂

張香帥來電

劉峴帥來電

張香帥來電

劉峴帥來電

又

寄西安軍機處北京李中堂江鄂督帥濟南撫帥

寄劉峴帥張香帥袁慰帥

寄京榮中堂

袁慰帥來電

張香帥來電

愚齋存彙卷第四十四

電報二十一

寄 行在王中堂

光緒二十六年九月初一日

密覽宥電謹悉聞各國以端剛毓董爲禍首董不一戰而專攻使館劉張等參劾不動如未便重辦不妨稍緩但必須釋其兵柄調虎離山毓賢由山東起拳會王大
臣皆被煽惑實是禍胎律誅起意者爲首似應處死非辦一人以抵克林德恐難雪憤止其西行若以毓爲首則立王圈禁閒住似可了事趙不甚重革亦足矣各國謂 太后昔辦端肅何其明斷今曷不再伸 國法

語甚憤激除俟慶邸傅相復到再電達若照所擬 天心若何乞速示

劉峴帥來電

九月初二日

楊使自黑海來電沁電悉各立各約外部並未談及惟前日戶部密稱善後大略可得而言者曰兵費曰賠償曰京師常駐兵以衛使曰大沽常駐兵爲接應曰稽查中國武備此各國所同曰金州歸入租地曰管理東三省稅務曰東省鐵路賠費無需現款可將原定賠路之期展限到時本利統算曰該路左近不得駐華兵此俄國所獨等語此係

私談望勿宣露轉香帥儒勸云國貧至此兵費償
款從何設籌稽查武備一條尤爲狠毒從此無自
強之望既有均沾又有獨得仍與各立各約無異
轉多一公共鈐束中國之約各國誰肯受虧授俄
獨利不言瓜分而分定矣焦灼萬狀公有何良策
祈示並望杏翁密轉傅相

寄各省督撫將軍司道 九月初二日

奉傅相電京城遭變官民蕩然米貴天寒斷難存活據
東南濟急會派人拯救款絀恐難持久望速電東南各
帥及司道廣籌協濟至盼云特聞

袁中丞來電 九月初三日兼致岷帥香帥

以一服八萬無一幸況國破京陷斷難再支然近
事戶字仍未全化內外意見多不相合是最可憂
姑看榮相到西路緊能否真有轉機劾董不中意
向可知傅相僅以籌款爲慮似各國尙無難行各
條德報議論未知確否果有各條何邸相未露端
倪會奏件俟邸相擬復後似可接上擬內必有干
里如無接應恐又不行再此閒所見德報十二條
前三條尙非難行香帥謂第二難行想卽報中第
四條請杏兄將滬見各條摘要電示爲盼

張香帥來電 九月初三日兼致峴帥慰帥

此次會奏懲惡摺峴帥擬稿極好寬博得體慰帥
加數句更爲周密此稿若上 聖意必平趙必自
求罷矣從前七月二十一日傅相在滬發馬午會
奏惜行稍急促措詞微覺直率不能用峴帥意敘
稿緣峴帥大旨只說三人內有諸人應爲國任怨
爲主分憂等語與此奏意同若由甯擬稿見效必
較早所以馬午電留中直待沁電方略予處分何
也以奏內全述外省四人電有不 回鑿亦可開
議一語耳此次奏不能上達真可惜也前數日甯

電文章家急脈緩受之說誠然

又九月初三日兼致峴帥慰帥

上此時決無回鑾之意且實不可回鑾恐各國強我以必不能行之事耳德報議論各國多有同者第一難行之事俄英日似可設法婉商第二難行之事外意內意皆難商矣第三難行之事京留洋兵太多津駐洋兵太近內外皆不易解說看傳相有何良策矣至限制武備尙不在內慶邸又請回鑾者迫於各國急逼親見洋兵日進不得不屢次籲請實無成算也傳相電但慮籌款豈竟

不憂此三條乎第三條或可以陝豫速修鐵路推宕之前兩條不議妥和局能成乎步步棘手憂未艾也

寄李中堂 九月初三日

江電已轉仁和惟 旨詢此外尙有何員如覆奏不及董毓似須會邸電奏岑撫報毓自盡恐各國起疑可否請 旨將剛毅李秉衡毓賢聲明死有餘辜奪其職以釋羣疑

又 九月初四日

西犯必無此事初三 旨甚著急覆奏似可乘機催辦

圍遣並及董如將徐剛李毓自盡諸人降 旨追咎以
釋外人之疑更好岑撫電各帥劾董 上意不然恐非
會邸電奏不能動

劉峴帥來電 九月初四日兼致香帥慰帥

德報未寓目請杏翁查示邸相議復必係據公使
言斟酌入奏度無不允理

又九月初四日兼致香帥慰帥

剛毓死公憤略平宜速轉京或藉阻西追前擬奏
稿平淡無奇經鄂濟斧削頓覺改觀但此時再上
略犯煩數之病劾董可鑒慶李密擬必速揭曉在

請憲台飛電傅相示遵庫款二十四萬零經德提督點收仍存司庫云廷藩司洋人疑其袒奉仇教應否酌予處分免遭不測

西安岑雲帥來電

九月初五日兼致各省將軍督撫

九月初四

皇太后

皇上駐蹕西安

聖躬

均安特謹電告

李中堂來電

九月初五日兼致岷帥香帥

子通與俄商先交收三省現奏請派明白曉事者頗難其人各國數條重在賠款留兵英日勸行新政代爲理財練兵有礙自主難允董毓續請重辦

當可開議 回鑾固多難處外兵藉詞久佔外府亦將分據瓦帥竟住儀鸞殿無法過問如何結束軍線遲速不等丹綫已通海綫矣

寄北京李中堂西安王中堂 九月初五日

保定孫鍾祥冬電稱聞剛相在途病卒此信果確 朝廷不妨明降 諭旨正其誤國之罪合告中外使外人欽服 聖明開議時亦稍可得力倘以爲然請密電傳相電致樞府法兵置備皮衣火爐似有在此過冬之意現在城內外法兵尙守紀律下鄉者仍不免搜掠設久住保府恐供給不支難免四出淫掠云謹聞

張香帥來電 九月初六日兼致峴帥慰帥

此時可爲全權之助者約有三條一請將端改爲
嚴加管束嚴加約束字樣一請追褫剛毓職痛加
斥責一請調宋馬兩軍赴陝掣制董軍昨接晉撫
錫電商宋馬云云又徹處昨日接宋電催餉是宋
馬現在太原請峴帥酌如以爲可或別有要聞請
一併添入擬電示知又陝電端莊俱在潼關未隨
扈

劉峴帥來電 九月初六日兼致香帥慰帥

全權摺未揭曉冀無減輕理調宋馬制董誠良策

然必不允仍照敝處頃覆電緩奏並電全權請追
革剛毓較妥李毓同釀拳禍毓殺教士李妄主戰
誤國事厥罪惟均第此時革毓意在藉阻西追革
李須另作一論非目前急務也香帥歌電最平允
又九月初六日兼致香帥慰帥

會奏所以助全權從輕從重皆不妥不奏亦可且
候論旨再酌追革剛毓雖末節實公義應電邸
相酌裁此奏出全權則題中應有也請杏兄電京
張香帥來電九月初六日兼致峴帥慰帥

全權摺八日可到陝已明言不置重典尙屬可商

又加致仁和兩電摺鬆電緊力量已足假如我等
會奏若意在請輕斷無此理若意在請重恐上
誤會語意則大不妥矣自不宜再行會奏惟此次
斷不允將端圜禁擬商邸相若此次處端太輕各
國不願則電奏改爲看守 陵寢嚴加管束嚴
加約束等字樣或易行追革剛毓誠是此等零碎
事會奏無味亦只可電請邸相電奏若追革李鑑
堂萬萬不可李謬妄殘忍誤國亦與有罪焉惟敵
國兵爭之際斷不可劾戰死之人且六使電奏各
國尙言徐李已死免究豈有疆臣自請追究之理

若事定以後有人持論此次大局之壞實由於徐
李董三人文不知國勢武不曉軍火獎率邪匪妄
言浪戰以致端剛有恃廷臣附和貽禍國家藉以
傲悟現在無數明證之人則是有益文字矣餘詳
另電

寄李中堂 九月初六日

頃香帥擬電商三條一 上若不允將端圈禁太輕恐
各國不願或改爲看守 陵寢嚴加管束一請追褫
剛毓職痛加斥責一請調宋馬兩軍赴陝掣制董軍云
查宋馬現駐太原端莊留潼關第一條似可勿改二三

條似可加入乞酌

袁慰帥來電

九月初七日兼致峴帥香帥

現難辦者惟一卓請杏兄酌電仁和密商應如何設法始可擊中在外方易措手孫寶琦如已抵陝電令面商尤妥聞甘軍擄去旗婦女甚多請囑孫密查

又九月初七日兼致峴帥香帥

仁和善察機旣不肯進呈想因難辦邸相逕奏亦未必遽能照辦香帥擬改約管字樣又未知各國能否了事只好盡人以聽天

劉峴帥致李中堂電

九月初七日

密擬揭曉當可開議惟停戰尤要否則聯軍日西
漸偪輦轂一攻一拒和局復變剛毓死各國憤
當稍平能亟商停戰方有辦法賠款必多無可措
手焦急萬狀程部文未到容酌辦

寄西安王中堂

九月初七日

李木使魚電東報載俄外部所擬辦法六條一中國政
府須保護各國在華人民平安二義和團頭目須嚴辦
三償款四京沽鐵路須歸各國管理五直隸省交各國
為質六償款由荷蘭都土弭兵會議定法廷照會各國

擬款五條一各使指索之主謀者須嚴辦二嗣後禁兵
器運華三償款四各使館須駐防兵五撤去大沽礮台
之礮除第二款各國不盡謂然外餘多允從又英德私
約四條一中國各地准各國任便通商二英德不得乘
此割地須籌保華之策三如他國割地英德爲保護本
國利益須籌商臨機應變辦法四須勸各國贊同此議
等語特轉達

寄李中堂

九月初七日

仁和既未將冬江電進呈如原奏嫌輕併未及董宜速
將辦法電奏約計日期與摺同到方能有濟若摺到卽

奉旨電奏落後又費無數唇舌矣如邸不願電奏可將冬江改作樞廷公電候示

西安軍機處來電 九月初七日

本日奉有致慶親王李鴻章電 旨一道致羅豐

祿電 旨一道復敬信等電信一件希貴京卿迅

卽分別轉遞萬勿遲誤爲此知會電慶親王奕劻

大學士李鴻章奉 旨奕劻李鴻章奏電悉據楊

儒電稱俄允交還東三省該親王等與俄格使有

無接洽此事總須與俄使商訂的確方可派員接

收黑龍江將軍本日已放綽哈布矣增祺長順卽

著奕劻等設法查明現在何處准其傳 旨先行
接管如果一時查無實在下落並著該親王等於
在京各大員中擇其堪勝此任者酌保數人速行
電奏以便簡派前往並須與俄使妥商保護方無
阻隔而期迅速以上各節該親王等商定後卽行
電復爲要欽此魚電出使大臣羅豐祿奉 旨羅
豐祿支電悉朕恭奉 慈輿駐蹕太原疊經降
旨嚴飭地方官將有教堂處所格外加意保護
不獨山西一省如此卽各直省亦通飭一律照此
辦理至毓賢辦事操切業經屏斥不用此 旨著

羅豐祿向英外部明白詳告爲要欽此魚戶部尙書敬等鑒支電已代奏所請未邀允准仍由慶親王所撥一百萬兩暫行撙節動用可也

寄北京慶邸李相 九月初八日

魚電 旨交羅使支電悉朕恭奉 慈輿駐蹕太原

疊經降 旨嚴飭地方官將有教堂處所格外加意保護不獨山西一省如此各省亦通飭照辦毓賢辦事操切業經屏斥不用此 旨著羅豐祿向英外部明白詳告爲要欽此查毓賢自盡張接岑電似不確

西安岑中丞來電

九月初八日兼致各省將軍督撫

億祀金湯倏焉淪陷倉皇出狩 九廟塵飛現

幸 鑾輿安抵關中差足爲我公告慰然此次

宮車外駕倍極艱勞回溯初出國門以黃屋尊嚴
且飢寒不免其餘辛苦可想而知春爐每於 召

對時語及時危竊見 兩宮淚隨聲下復聞罷

朝之後往往無端吁歎涕泗霑襟或中夜徬徨宵

深起立厲階誰梗致使烽煙日逼 宵旰煩憂追

咎罪魁內甯足食第禍機已發咎亦徒然宏濟艱

難端資羣力迭據探報洋兵已至正定晉豫防守

布置猶虛防固恐礙和議然若竟聽長驅轉瞬叩

關將何以應萬一。乘輿再警，吾儕臣子何以對。天下後世現聞各國每假口於肇衅，諸臣尙在然果置諸臣於重典，各國能否卽定款議，似未可憑。閔抱如我公，自必早爲察及，現和議是否有望，晉豫防守是否宜籌，偉畫如何，務祈電示。春煊至愚不肖，值此時艱，任重才輕，倍深兢業，竊幸隨我公之後，敢以同舟之誼，望示周行，但期七鬯無驚，和戰敢持已見，燕雲北望，悲痛深之，迫切陳詞，伏維

亮察

寄西安軍機處

九月初九日

李中堂齊電二十六電 旨未便遽復因各使會商欲
將前 旨王大臣九人及董毓均須正法正在磋磨商
減俟稍定議始可復奏議處摺到如能將董毓一并發
落亦先發制人之計云宣謹轉

寄西安軍機處

九月初九日兼寄邸相

巴黎裕大臣陽電前上支電想蒙代奏法廷之意總因
兩宮尙未 回鑾是以久無回話陝省邊地早寒
非 乘輿久駐之地薄海臣民同切叩顙各國亦僉謂
鑾輿若不早回和議萬不能成若再事遷延恐難設
想事機遲速聞不容髮轉危爲安全在 聖心謹痛哭

額陳伏願 皇太后 皇上俯鑒愚忱早從所請以
慰普天之望無任急切待命之至請代奏云宣謹轉

張香帥來電

九月初九日兼致峴帥慰帥太原錫清帥

昨接李傅相電聯軍西趨意在生擒毓賢晉省極
危正深焦灼適接陝撫岑中丞冬電云毓吞金自
盡確趕卽電達慶邸李相轉告各國公使並電達
我各駐使轉告外部毓死忿洩勸勿攻晉茲接駐
英羅使微電復稱據沙侯云英廷現無攻晉之意
並願日復可免此舉駐俄楊使陽電復稱外部云
俄無意攻晉等語其餘各國尙未回電乃台端未

電云毓中丞已赴西安不勝詫異此信得自何處
聞之何人是否確實如毓果未死則須速電邸相
及外洋各國更正庶免疑爲欺彼致失憑信究竟
毓確死與否祈飛速電示

寄西安王中堂

九月初九日

頃始接京齊電屬將冬江電改爲樞垣公電已填歌魚
重發看來各國尙欲進步如辦得嚴了得快惟千里草
須格外防備莫如調赴山西離開行在再作道理若
不辦此人必不了事公電似宜密奏勿漏

又九月初九日

支電轉京五日不復初二京拜發處分摺計日可到
天心如何統撫自盡想不確已專摺奏劾粵土匪東西
兩路甚猖獗恐英法兵擊動大局陶若准辭須速調知
兵者方可保粵

張香帥來電 九月初九日兼致峴帥慰帥

昨讀寄羅使電 旨語意平淡大約到陝以後隨
扈大小臣工必以安宅可恃之說進尙不如在晉
時有急迫恐懼之意矣以後悍謬護前諸人繼起
者恐尙不少心竇憂之由漢口襄河進兵之說八
月內早已聞知卽杏翁來電所云也不必攻陝但

國勢成騎虎必變宗旨全局糜爛請杏公切實向
仁和言之禍胎如未死亟須更正或死在秦境錫
尙未知耶

寄李中堂

九月初十日

香帥佳電洋兵步步加緊令人難堪即相日來不知已
電奏否竊謂峴帥前電詢商各國之法最妥且正與宥
電旨渾言泛指反復詰責開議無期之諭相合計邸
相摺奏必已到陝若無電奏恐又多周折急甚云謹轉
達

袁中丞來電

九月初十日兼致峴帥香帥

西安庚電國士高談天下皆驚似主持戰和操縱
諸凶惟賴此公抑僅爲諸凶緩頰並畏洋兵西犯
耶此公未謀面究何如人是否須覆請示總之如
辦諸凶和議可望 乘輿可安倘謂咎亦徒然叩
關恐將不免

寄江鄂東三帥

九月初十日

頃奉傅相佳電云江鄂陽電悉各使堅請將十一人正
法已死者尙不深責此事竟無辦法徒費時日而已又
接傅相齊電轉樞廷云二十六電 旨未便遽復因各
使會商欲將前 旨王大臣九人及董毓均須正法尙

在磋商商減俟稍定議始可復奏議處摺到如能將董毓一并發落亦先發制人之計等語冬江兩電亦已改寄樞廷昨有交邸相電 旨令阻洋兵前進速籌開議並商停戰免誤大局至釀禍諸臣處分迭 諭該親王等秉公復覈擬議密奏著一并速行電復等因電 旨迭催電奏而相謂未便遽復實則江電及會摺已復二十六電 旨也凡說重話之電皆相單銜邸素謹慎豈猶不肯會奏耶岑電云果置諸臣於重典能否卽定款議雲帥咫尺 天顏想能仰窺 聖意香帥可否囑堯階私電一詢如能卽定款議能否酌辦數人按兩次電

旨催議指爲釀禍諸臣天心悔禍臣下疑爲偏袒或是誤會亦未可知此次奇禍京外竟無一人批鱗直諫以致愈拖愈深峴帥香帥同是便宜行事雖未便奏劾似宜切實公電邸相折衷一是行在極慮洋兵西逼當以敵之進止視此爲衡立言簡要必蒙俯納否則徒自咨嗟坐視何益

福州善星源將軍來電

九月十一日

岑帥庚電不知其意之所在晉豫應防與否何待各省代謀冰鑑當已洞察擬答復否日來和議如何乞示

劉峴帥來電 九月十一日

西安電只是主戰二字不復最安杏翁電請香帥
囑堯階電詢一節反詰尤妙

袁中丞來電 九月十一日

陝電不復最妙反詰之想亦難復

又 九月十一日兼致峴帥香帥

有人云秦伯尙知時局此次公電或有授意宜請
兩帥擬稿約同各省公復之冀可轉陳化去咎亦
徒然及抗拒全球之見晉豫自應設防詎可聽人
長驅然首禍必須懲辦何必貽人口實惟辦首禍

始可開議開議始可望和存首禍以望和何啻欲入室而閉其門也吾輩近居海疆見聞較確與託空言以誤國計者有別請酌裁

寄江鄂兩督帥 九月十一日

邸相眞電云轉江鄂督江電悉此次辦理和議事極艱窘鴻於閏月十八抵京公同商酌以赫德係倡辦款事之人於交涉事宜極有體會因令酌擬照會底稿表明中國仍願與各國和好本意並附專約五款爲開辦之綱領大致以圍攻使館最違公法允許嗣後永無此事而商認賠款次之修改條約以重商務收回衙署以維

政權兩款又次之其究竟則趨重於撤兵停戰定稿後
於上月二十二日通行照會並函訂日期會議嗣各使以
茲事重大電請本國訓條往返需時未能剋期商辦現
聞各使會同各該國提督於本月初四六等日兩次自
行商議甚爲秘密無從揣測惟先辦禍首一節則倡言
不諱現惟有催其速定開議日期以冀早定大局特先
電達云謹聞

寄北京慶邸李相甯峴帥鄂香帥濟慰帥 九月十一日

西安軍機處眞電開本日奉有電 旨一道希貴京卿
迅電慶親王李鴻章萬勿刻延爲此知會電曰奉 旨

奕劻李鴻章三電均悉著再與各使極力磋磨以事屬
可行爲度至齊電所稱先發制人之計恐我以爲先發
制人彼仍尙未滿意枝節迭生何以收東應俟該親王
等覆奏二十六日電 旨到日一并明降 諭旨分別
從嚴懲處以期一氣完結早日開議此意奕劻李鴻章
當能體會及之欽此宣謹轉

寄李中堂

九月十二日

慰帥文電直匪初起裕尙主勦廷雍一力阻撓排廷杰
去之乃暢所欲爲督率兵匪殺教士教民並攻教堂詭
爲二百年未有之快事實爲直省首禍今爲聯軍拘執

恐亦難免惟傅相在京外無藩司各邑無所稟承青縣
沈最初遇害亦須委署似宜於直隸各道內請傅相委
一人暫護藩司方有主持請酌商云按廷藩須聽處分
委署似不可少駐紮正定或順德均可周浩已到濟甯
或催赴正定接印惜直事不甚熟

袁中丞來電 九月十二日兼致峴帥香帥

恭繹真 諭雷霆不遠姑宜靜聽陝庚電似無所
依只弄文耳大可不理

張香帥來電 九月十二日兼致峴帥慰帥

陝電鄙人愚昧未能窺測無從答復反詰萬萬不

可會復尤不可氣魄如此彼必具奏假如 朝廷
又反詰諸臣爾等若能擔認款議卽日可成洋兵
卽日全撤津沽關遼卽日全還賠款不得過三千
萬一切政權不得干預 朝廷卽照各國所請重
辦將如何覆奏耶滬電既有阻洋兵催擬議之
旨不宜多生枝節已屬其介弟將會奏內敝處所
擬諫阻都陝之附片電陝此卽所以復也公電耶
相一節有損無益若傅相措詞太鬆然後公電以
堅之今傅相齊電實已盡情傾吐辦法已極重人
數已過多又將冬江兩電改爲公寄樞廷可謂極

緊正是透過一步說法誠如甯電所云試思再有
何話可說豈江楚兩督其力大於德法兩君乎況
做處前聞洋人言必欲重懲者止端剛毓董四人
尙不如各使所請十一人之多如何能置議乎竊
謂不必

寄北京慶親王李中堂江督劉峴帥鄂督張香帥九月二日

西安軍機處文電開本日有致慶親王李鴻章電信一
件希貴京卿迅卽轉電萬勿刻延爲此知會敬肅者歌
魚齋三電昨已進呈奉有電 旨計已接奉毓撫辦事

操切其處分重至遣戍而止或可辦到至董提督係武職大員開衅以後專司戰事一切非其所得自主礙難重予處分驟撤兵權亦多不便仍祈與各使婉商力辯免致爲難又本日面奉諭旨據升允奏洋兵西趨易州現在正將開議何以洋兵仍復紛擾倘防兵拒守不得謂衅自我開務向各使婉言勸阻力保和局爲要專此密布敬請鈞祺王文韶鹿傳霖云云宣謹轉

寄北京李中堂

九月十二日

香帥錫電云考外各國通例懿親不加刑似可持此例相商想中堂已言之矣宣謹轉

張香帥來電 九月十二日兼致峴帥慰帥

軫電想達擬罪係派邸相密奏全權以外斷無妄
干之理若多方開悟 聖心會辦自當助力擬請
峴帥速將前會奏未發之稿酌量添改加入兩意
其一曰 兩宮西幸在途艱苦情形臣等聞自
晉來者言之憤恨涕泣無地自容聞到陝後仍復
日夜憂焦懸望款議臨朝輟食還宮霑襟若不早
圖定局天下爲臣子者問心何以自安從前在京
肇衅之王大臣日扈 鑾輿目覩 兩宮遭此
困厄當亦有所不忍等語其二曰近見各國國書

接晤各領事公使仍是諄諄以懇請 回鑾爲言
此時洋兵雲集京城危險如何可回然彼族多方
要請總執此節爲詞計惟有早懲首禍或可以此
抵制 回鑾等語至西趨晉豫截斷長江占盡畿
輔多增兵費等語從前所無者亦須添入雖有忠
義效死之軍民實無戰守可恃之槍礮等語從前
已說過者仍須敘入其發端處及中間均就現在
情形另改此奏不提如何懲辦之法但云除釀禍
諸臣罪名已由臣某某遵 旨磋磨商減酌擬密
奏請 旨外此外有應添要義及重複疏漏之處

請峴帥酌添酌改慰帥卓見亦請賜示稿妥後速
電傅相擬請於邸相兩銜復奏外另具一電奏邸
相江鄂四銜會奏或摺或電悉照邸相擬覆之件
約定總以同日進呈爲度他省似不必列銜近日
寄諭惟當謹守疆土接濟 行在語意甚明也
傅相江齊兩電文骨已足此奏專補文情以冀稍
助萬一但擬添兩意只是大意如此並非卽照此
詞務須另行政妥是否均請示復

北京李中堂寄陝軍機處電 九月十二日

昨電奏保定藩司被拘各節頃據洋人由保回京

述現辦大略謂留省教士控告六七月間率匪奉
廷雍命殺戮教士男女二十餘人百般凌虐聯軍
提督怒極已將廷雍及地方官文武六員正法臬
司沈家本解送天津與受傷教士質訊六員除廷
雍外未確指何人俟查明電奏衙署城垣城門均
經燒燬聞之莫名焦憤兩司缺應請遴員先行簡
放乞代奏

劉峴帥來電 九月十三日兼致香帥慰帥

江鄂另具一奏以助全權自是有益無損提空立
論亦合會辦分際香帥擬添各節文情悱惻必可

動聽此奏與邸相似異實同一係直諫一係婉諫
所有重筆均可刪除務請香帥大筆酌改萬勿吝
氣此等重大文字只以大意為主字句不必過於
推敲且以香帥大文亦無不盡善盡美爲時已迫
勿須再商發後電示可也邸相不列銜何如

寄北京慶親王李中堂

九月十四日

峴帥鹽電開真電敬悉事極棘手端賴盡籌五款極妥
要辦拳黨爲第一要義照十一電 旨奏復當可揭曉
惟王鹿兩樞密公電毓只能辦遣成董則礙難重處內
意如此和議難成毓信庇拳匪實爲禍根在晉妄殺洋

教士數十人婦孺皆被害甚至手刃洋人殘暴酷戾各國恨之切骨若未死必須正法方能洩憤董不任勦匪縱兵攻館德使被戕咸指爲董軍在內若放鬆何以謝外人董部劫掠甚於盜賊論國法亦難稍貸且來電謂驟撤兵權亦多不便是跋扈之狀已露養癰貽患將來之禍何堪設想務懇鈞座切實陳奏免致枝節迭生否則聯軍日西益難收拾全局危甚坤力薄難勝又與毓有微嫌不得不仰乞主持以保宗社是否候電復云
宣謹轉

成都周玉山方伯來電 九月十四日

禍首如何重辦想全權已奏若未允公探詢中外
情形較確似宜邀各疆臣一再痛陳和議遲開失
算更多況陝荒回眾乘輿久居非計至賠款實
無法設聞秘魯和約予英國鐵路利六十年英全
認秘債公能訪明陳邸相備採否保定獲鹿近事
如何毓賢尙守固關否通商宜添設成都陝西馥
可助力請派誰來速商辦

劉峴帥來電

九月十五日兼致香帥慰帥

鄂元亥電悉香帥既再三見委自應勉擬一稿竊
謂此奏命意一在破主戰之惑一在助全權之力

應辦何人何罪均可不必明言方是烘託之筆拙
稿奉呈鑒政卽存杏翁處候邸相電奏到日一同
電陝不先不後庶可得勁香帥如肯酌改亦卽逕
電杏翁照辦爲禱奏稿如下 行在軍機處鈞鑒
此次與各國議款首以懲辦釀禍諸臣爲請業奉
電 旨飭令慶親王大學士李鴻章與之磋磨密
擬具奏該王大臣自必竭力商辦覆奏到日 朝
廷具有權衡顧坤一等總總過慮則以洋兵日西
事機萬緊有不得不再瀆宸聽者陝西古稱天府
今非雄都時勢固自不同戰事亦各有異洋兵乘

勝銳進連橫而來不畏數萬里之海豈畏二千里之陸以北京士氣之新軍械之利尙難資以禦敵豈陝西大河之限潼關之隔卽可恃以無憂且入陝之路歧出備多力分斷難抵禦此地利不足恃也 鑾輿駐陝需用浩煩西北力有難支東南責無旁貸目前沿江沿海各省暫示羈縻尙可妥籌運濟一有決裂恐難任我轉輸近接各處電音備述各國意指有謂宜分攻晉豫者有謂宜進兵襄樊者甚且欲以留還洋款爲詞禁我運解京餉和局若變戰艦卽來各省專顧籌防關中將成坐困

此接濟不足恃也各省伏莽潛滋會匪遍布大局未定竊發堪虞卽以沿江而論如湖北漢口安徽大通之案可爲前鑒幸經派兵速勦不致蔓延若值敵艦來侵何能兼顧和議一變各國分路進兵匪徒乘機起事外患內訌天下騷然將有瓦解之虞適激瓜分之禍此又時局之大可憂也總之以一國而敵八國強弱異勢眾寡相懸和戰機宜無待著蔡坤一之洞聞自晉來者歷述兩宮西幸在途艱苦情形蕪亭豆粥滹沱麥飯憤恨泣涕無地自容並聞聖駕抵陝後仍復日夜憂焦懸

望款議臨朝輟食還宮霑襟若不早圖定局天下
臣子問心何以自安從前在京肇衅之王公大臣
扈蹕西巡目覩兩宮遭此困厄當亦有所
不忍自應爲國任咎爲主分憂更何忍以三百數
十年之社稷二十餘行省之人民舉以同殉
況慶親王大學士李鴻章公忠體國休戚相關旣
奉諭旨磋商若非舌敝脣焦商酌至無可再減
亦何敢據以上陳古來聖帝明王每遇陽九之厄
往往委蛇求濟隱忍圖存上懼宗社存亡下
憫生靈塗炭不惜一時之屈但期百世之安詎可

復伸衰可復盛史冊昭垂班班可考我皇太后
皇上量同天地澤沛華洋伏願俯聽全權大
臣之言以平各國之憤以聯各國之情庶幾早日
開議挽救危局不勝迫切待命之至劉坤一張之
洞請代奏

張香帥來電

九月十六日兼致峴帥慰帥

會奏萬不可發洞斷不敢列銜請峴帥亦不必發
十一人全未擬減太重難行一也洞斷不請回
鑾全權所奏正與鄙見相反二也前兩日既令楊
使等商減又不候復三也秦尾云請俯聽全權大

臣不妥請候下次再相機協助如杏翁已發洞當
另奏聲明意見不同祈復

劉峴帥來電 九月十六日兼致香帥慰帥

邸相奏十一人均正法恐難辦到且云楊使等商
減未復此奏到日亦未必有 諭旨慰帥葉電慮
激變自在意中昨擬會奏香帥以邸相所奏意見
不同未可發極是或稍遲再相機陳奏前稿暫存
屆時再請香帥酌改

袁中丞來電 九月十六日兼致峴帥香帥

甯稿詞意周密分際恰好必可得勁佩甚秦伯庚

電亦不復之復絕妙

寄北京慶親王李中堂

九月十六日

據保定電局刪稟望日英德法意四兵官率德法兵列隊城東隅將薇座城守尉王營官占魁用中例慘死非命晚七點鐘始歸元並榜揭數公之過以柏秩稍次公議削職紳董因佐理不善罰銀十萬限一月令保定府催繳是日城內地雷數發毀廟多處傳言德兵望後去九留一易州聯軍已退因州牧接待甚優幸獲安全現僅法兵千餘駐陵兩府一鎮皆逸所有各殿陳式均爲英德括盡尙有接踵往東陵之說云謹聞

張香帥來電 九月十七日兼致峴帥慰帥

陝電榮相二十日可到又稱電陝撫岑昨奏毓賢請治罪升允開戰衅請遣戍留中竊意必俟榮相到楊使等復電亦到再定辦法耳榮到後或上意已回允准重辦或上意激怒調東南各省兵助豫戰均未可知如再戰大事去矣惟有請峴帥飛電榮相分寄潼關西安兩處大略言不重辦斷不停兵斷不能阻西追斷不開議若西追斷無一軍能戰卽人人死戰中國斷無許多之彈藥辦首禍所以爲兩宮計辦董所以爲榮相計若再

延緩恐更強我以難行之事等語須痛哭流涕言之請榮相先籌畫後 召對或不致再誤之誤直誤到底此爲最要第一著請峴帥速電亦望慰帥速電更好餘事少刻續陳

劉峴帥來電

九月十七日兼致香帥慰帥

攻使館實是董軍各國所最恨若諉爲非其所得自主試問主者榮相乎抑 朝廷乎恐益難辦理更慮迫我以必不能行之事請杏翁速電傅相密復樞府此節關係太重 兩宮萬不可自行引咎

張香帥來電 九月十七日兼致峴帥慰帥

十一人全誅斷辦不到且亦不可傅相致滬電言
必須辦三四人似須透出此意方不激怒然邸相
電奏並不提明未辦一也楊使等復電或可輕減
某某數人或全不輕減似均須奏明二也董固當
誅但現握重兵須爲 朝廷籌出辦法似可與各
國明言此人允以必辦須容我稍緩罷其兵後再
辦各國或可允或傅相別有可辦之策亦當卽行
密奏三也請 回鑾專爲挾制起見宋徽宗已脫
復還古今殷鑒不知重辦罪魁雖暫不 回鑾亦

可開議否傅相似須向各國切實確詢爲妙四也
若各國嫌辦人太少或設法將已死者湊數剛戮
尸徐桐徐承煜裕祿追奪崇綺撤卹典譚文煥重
辦此外擇次等庇奉有據如端剛李毓等部下之
員查明奏辦數人則合計已有十餘人或可搪塞
五也請三公籌度如有可采或別有了事法或有
善處董之法速示再當妥酌公電傅相此時先不
必電

劉峴帥來電

九月十七日兼致香帥慰帥

濟洽電悉時局萬緊安危存亡祇爭俄頃勢難隱

忍不言前稿但將自況慶親王起至據以上陳止
四十四字刪去將俯聽全權大臣之言八字改爲
宸衷獨斷早定大計八字則是提空立論若不
知有邸相文電會奏者似無窒礙務請香帥會銜
須速發電如不謂然坤當單銜具陳統候電示
又九月十七日兼致香帥慰帥

保定款接洋兵仍肆荼毒戰勝之後任所欲爲閱
之悲憤禍首難滅西行難阻仍恐激變和局前擬
會奏前路隱隱阻戰似尙有用但將俯聽全權字
句改易則可無礙仍祈香帥酌改會銜電奏卽無

甚益亦無大損連日焦灼夜不成寐姑再盡心而

已

寄西安軍機處北京李中堂江鄂督帥濟南撫帥九月十七日

保定孫鍾祥刪電今日洋人忽將廷藩司城守尉奎文
王占魁等圍赴城東南隅殺害王占魁被鎗死德法英
意四國出有告示云廷奎縱庇拳匪罪尤應殺其沈梟
職小罪輕擬以革職等語頃聞沈梟被洋人圍至北街
福音堂內未知何意務望電請傅相竭力設法與各國
言之又聞洋人索銀十萬兩限期交付責成府縣辦理

今日又有德兵二千南行恐赴固關云謹聞

寄劉峴帥張香帥袁慰帥

九月十七日

行在軍機處電開諫電 旨奕劻李鴻章文電悉懲辦
首禍迭經諭令極力磋磨前據奏至圈禁爲止今仍未
能就範殊深憤懣至所稱以 回鑾之遲速定和議之
成否足見各國有心挾制總之長安並無久居之意一
俟款議就緒卽當降 旨定期 回鑾前已明白宣示
仍著堅持力辯速催開議爲要毓賢本日已有 旨革
職聽候查辦矣欽此宣謹轉

寄京榮中堂

九月十七日由潼關探送

奉洽電後豫境綫斷電阻鈞駕計日到關京電各使仍執迎鑾及重辦禍首方肯開議查各國陸軍過十萬海軍逾百艘近日滿儼火爐寒衣赴津並無退志雖英德相約不佔疆土俄亦允還三省然全權到京議款而聯軍仍犯保定易州勢將分道西上聲言代清君側迎聖駕藉口西餉有礙洋債欲由長江進襄樊斷我接濟論其兵力斷無一軍可以抵當若再拖延不特兵費愈久愈多更恐強我以難行之事其毒謀有甚於今日者宣在海上見聞較確大約十一人內不重辦四五人斷不停兵斷不開議私衷揣測當與說明端難加刑圈禁

爲止董須稍緩先解兵柄此必須從權者毓爲禍胎何
所顧惜此外王公貝勒諸臣究係何人釀禍爲尤重自
必難逃 聖鑒臣下擬議恐不及君上知之深切議者
曰昔年 慈聖辦端肅諸人遂致中興今何難再奮
國威以保 宗社愚昧之見生殺予奪總宜保我主
權此次釀禍者不必各國挾制 祖宗律法本所當
誅倘能接續閏八月初二日 明旨出其不意迅速嚴
辦並將徐桐剛毅追奪裕祿李秉衡撤去卹典使中外
曉然於天心悔禍凡縱庇拳匪諸臣絕無袒護自可使
各國心服止兵開議 乘輿事定回京已蒙俯如所請

但由軍機處寄信外人不得而知擬請將閏八月二十日
上諭推誠布公明降 諭旨諒彼亦無詞可藉以
上情形本非當言但事已危急不敢再諱中堂到陝可
否於獨對時詳晰密陳如蒙 宸斷或先密示轉電全
權商酌總以就範爲度無任悚惶

袁慰帥來電

九月十七日

甯篠電諉爲非董所得自主一節萬萬不可告人
此言由何而來請杏兄速示

張香帥來電

九月十七日兼致峴帥慰帥

霰 旨想已見必俟楊使復榮相到方能決計洽

午電請兩帥分致榮電最要先發榮電再議其他
不然萬言無益會奏自不可少已改一段添一段
少刻卽電呈陝已轉圜榮能助力可望有二三分
功效若榮亦憤大局全翻矣何論轉圜乎致榮相
務懇其勸上忍氣不可顧虛面子不可代臣下
受累不可再講磋磨我自堅持人自進兵雖催不
理此係正其誤兩宮禍宗社之罪非媚
敵人兩帥分電最好候復

愚齋存彙卷第四十四